

UGOVOR
IZVOĐENJE GRAĐEVINSKIH RADOVA NA POSTOJEĆIM
DISTRIBUTIVNIM MREŽAMA
JNRGR 02/2019 – LOT 2

Zaključen u Sarajevu dana 19.04.2019. godine između:

KJKP „Toplane – Sarajevo“ d.o.o.

sa sjedištem u Sarajevu, ul. Semira Frašte br. 22

kojeg zastupa Direktor Admir Džubur (u daljem tekstu: **Naručilac radova**)

Transakcijski račun: 154-001-20003337-76 (Intesa Sanpaolo Banka d.d. Sarajevo)

PDV broj: 200353740001

i

„TEHNOGRAD“ d.o.o.

sa sjedištem u Tuzla / P.J. Sarajevo, ul. Braće Begić br. 38

kojeg zastupa Direktor Sead Muratović (u daljem tekstu: **Izvođač radova**)

Transakcijski račun: 161-000-00097600-54 (Raiffeisen bank d.d. Sarajevo)

PDV broj: 209246590029

PREDMET UGOVORA

Član 1.

Predmet ovog Ugovora je izvođenje građevinskih radova na postojećim distributivnim mrežama, a zaključuje se nakon provedenog otvorenog postupka javne nabavke broj JNRGR 02/2018 – LOT 2, a u skladu sa Odlukom o izboru najpovoljnijeg ponuđača broj: 03-03-01-381/19 od 02.04.2019. godine i Ponudom zaprimljenom pod brojem 1254/19 od 20.03.2019. godine, koja odgovara uslovima iz tenderske dokumentacije.

CIJENA I NAČIN PLAĆANJA

Član 2.

Ukupna vrijednost ugovorenih radova iz Člana 1. ovog Ugovora, bez uračunatog PDV-a, iznosi:

88.265,49 KM

(slovima: osamdesetosamhiljadadvijestotinešezdesetpet i 49/100 KM)

Jedinične cijene su fiksne i ne mogu se mijenjati, a količine se utvrđuju građevinskom knjigom.

Član 3.

Plaćanje će se vršiti na osnovu prijema računa Izvođača radova, sa specifikacijom izvedenih radova potpisanom od strane ovlaštenih predstavnika ugovornih strana, najkasnije u roku od 30 dana od dana prijema računa.

Član 4.

Izvođač radova se obavezuje da za izvršene radove ispostavlja račune u skladu sa Zakonom o PDV-u, svakog mjeseca za radove izvedene u toku tog mjeseca.

ROKOVI

Član 5.

Rok izvođenja radova: sukcesivno tokom ugovornog perioda, u skladu sa dogovorom i naknadno utvrđenom dinamikom izvođenja radova između ugovornih strana.

Izvođač je dužan zatražiti od Naručioca radova produženje roka, ako je zakašnjenje radova prouzrokovano višom silom.

Član 6.

Ako Naručilac utvrdi, da Izvođač bezrazloženo oteže izvođenje radova, ili slabom organizacijom ne garantuje kvalitetno i blagovremeno izvršenje radova, može izvođenje tih radova, ili samo dijela tih radova, uz prethodnu obavijest, ustupiti drugom izvođaču, a razliku u cijeni i nastalu štetu naplatiti od Izvođača.

MJESTO IZVOĐENJA RADOVA

Član 7.

Mjesto izvođenja radova: Više lokacija u Kantonu Sarajevo.

OBAVEZA UGOVORNIH STRANA

Obaveze Naručioca

Član 8.

- Da Izvođaču omogući-nesmetano izvođenje radova.

- Da Izvođaču dostavi karte sa ucrtanom distributivnom mrežom.
- Da Izvođaču preda kopiju katastra podzemnih instalacija ne stariju od šest mjeseci.
- Da upozna Izvođača sa pravilima i procedurama Naručioca radova.

Obaveze Izvođača

Član 9.

- Da za izvođenje radova angažuje stručne izvršioce za obavljanje ugovorenog posla.
- Da predmetne radove izvede kvalitetno u skladu s važećim zakonskim propisima, normativima i standardima i u odgovarajućem roku.
- Da po završetku određene faze, dobije odobrenje od naručioca za nastavak radova (potpisom u građevinski dnevnik).
- Da se u svemu pridržava zakonske regulative iz Aneksa 9 i ostale važeće regulative.
- Da po završetku radova gradilište dovede u prvobitno stanje.
- Da za svoje izvršioce osigura potrebnu opremu i zaštitna sredstva u skladu sa važećim zakonskim propisima.
- Da poštuje kućni red i sva pravila i procedure Naručioca radova.
- Da uredno vodi građevinski dnevnik.
- Da se pridržava tehničkog uputstva za izvođenje radova.
- Da organizuje i ogradi gradilište
- Da sva mjesta gdje postoji povremena ili stalna opasnost obilježi tablama upozorenja i uputama za rad na siguran način.

NADZOR

Član 10.

Nadzor nad izvođenjem radova vršiće lice kojeg odredi Naručilac. Tokom izvođenja radova Izvođač mora odrediti rukovodioca gradilišta i omogućiti nadzornom organu da nesmetano vrši nadzor.

Član 11.

Pričinjena šteta na izvedenim radovima bilo od strane Izvođača ili Naručioca utvrdit će se zapisnički od strane predstavnika obje ugovorne strane. Ako se ne postigne zajednički dogovor formiraće se stručna komisija, koju čine po jedan član Naručioca i Izvođača, a trećeg člana dogovorom će izabrati izvan svog sastava. Procjena štete putem ove komisije obavezna je za obje ugovorne strane.

UGOVORNA KAZNA

Član 12.

Ukoliko Izvođač ne završi ugovorene radove i ne preda ih Naručiocu u ugovorenom roku, plaća ugovornu kaznu u visini 0,5% za svaki započeti dan zakašnjenja i to na ukupnu vrijednost radova, a ne više od 5% ukupne vrijednosti ugovora.

PRIMOPREDAJA

Član 13.

Po okončanju radova izvršiće se primopredaja o čemu se sastavlja Zapisnik koji potpisuju predstavnik Naručioca i Izvođača.

GARANTNI ROK
Izvođač garantuje za kompletno i kvalitetno izvođenje radova po ugovoru u trajanju od min 2 godine, koliko traje garantni rok. Garantni rok teče od dana primopredaje.

Član 14.

Izvođač garantuje za kompletno i kvalitetno izvođenje radova po ugovoru u trajanju od min 2 godine, koliko traje garantni rok. Garantni rok teče od dana primopredaje.

ZAVRŠNE ODREDBE

Član 15.

Ugovor se zaključuje na godinu dana uz mogućnost pismenog otkaza bilo koje ugovorne strane. Otkazni rok je 30 dana.

Član 16.

Za sva pitanja koja nisu regulisana ovim Ugovorom primjenjivaće se odredbe Zakona o obligacionim odnosima.

Član 17.

Ugovorne strane su saglasne da sve eventualne nesporazume po ovom ugovoru rješavaju prije svega sporazumno, u duhu dobrih poslovnih običaja, a u suprotnom nadležan je sud u Sarajevu.

Član 18.

Ugovor stupa na snagu danom potpisivanja.

Član 19.

Ugovor je sačinjen u 2 (dva) istovjetna primjerka od kojih svaka od ugovornih strana zadržava po 1 (jedan) primjerak.

Za Izvođača radova

„TEHNOGRAD“ d.o.o.

Sead Muratović

Broj: 163 /19



Za Naručioca radova

KJKP „Toplane – Sarajevo“ d.o.o.

Admir Džubur

Broj: 03-08-04-1812 -502.01/19



Izvršni direktor za tehničke poslove i marketing

Nenad Šormaz

[Signature]

[Handwritten marks]

[Handwritten signature]



UPRAVA

Broj: 03-03-01- 587 /19

Sarajevo, 02.04.2019. godine

Na osnovu člana 64. stav 1., tačka b., člana 88. i člana 70. stav 1.,3. i 6. Zakona o javnim nabavkama („Službeni glasnik BiH“ broj 39/14), člana 8. Pravilnika o uspostavljanju i radu komisije za nabavke („Službeni glasnik BiH“ broj 103/14), Pravilnika o postupku nabavke broj PR/SN/01 od 24.02.2015. godine, na Preporuku Komisije za javnu nabavku broj: 02/2019/5-2 od 01.04.2019. godine, direktor donosi:

ODLUKU

- o izboru najpovoljnijeg ponuđača za nabavku -

JNRGR 02/2019 – IZVOĐENJE GRAĐEVINSKIH RADOVA NA POSTOJEĆIM DISTRIBUTIVNIM MREŽAMA – LOT 2

Član 1.

Prihvata se Preporuka o izboru najpovoljnijeg ponuđača Komisije za javne nabavke broj: 02/2019/5-2 od 01.04.2019. godine i ugovor za javnu nabavku izvođenje građevinskih radova na postojećim distributivnim mrežama – LOT 2 – JNRGR 02/2019 dodjeljuje ponuđaču:

„TEHNOGRAD“ d.o.o. Tuzla / P.J. Sarajevo

prema ponudi broj: 1254/19 od 20.03.2019. godine, za ponuđenu cijenu bez uračunatog PDV-a u iznosu od:

88.265,49 KM

kao najpovoljnijem ponuđaču.

Član 2.

Izabrani ponuđač je dužan da, u roku od 5 dana od dana prijema ove Odluke, dostavi originale ili ovjerene kopije dokumentacije iz člana 45. Zakona o javnim nabavkama (ukoliko ponuđač iste nije dostavio u svojoj ponudi).

Član 3.

Prijedlog ugovora o nabavci dostavit će se na potpis izabranom ponuđaču, nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova odluka će biti objavljena na web-stranici www.toplanesarajevo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 5.

Za izvršenje ove odluke zadužuje se i ovlašćuje Služba nabavke.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.



Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-198/19 od 26.02.2019. godine.

Javna nabavka je provedena putem **otvorenog postupka**.

Obavještenje o nabavci broj: 160-1-3-50-3-32/19 poslato je na objavu dana 26.02.2019. godine, a objavljeno je na Portalu javnih nabavki dana 26.02.2019. godine u 11:37 sati.

Komisija za javnu nabavku imenovana je Odlukom broj: 03-03-01-199/19 od 26.02.2019. godine.

Nakon isteka roka za preuzimanje, tendersku dokumentaciju je preuzelo 11 (jedanaest) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki www.ejn.gov.ba).

Nakon isteka roka za podnošenje ponuda evidentirano je da su putem protokola u zatvorenoj koverti pristigle sljedeće ponude:

1. „ MONT GRADNJA “ d.o.o. Sarajevo, broj protokola 1250/19 datum 20.03.2019. godine u 10:27 sati
2. „ TEHNOGRAD “ d.o.o. Tuzla / P.J. Sarajevo, broj protokola 1254/19 datum 20.03.2019. godine u 10:48 sati
3. „ HIK – NET “ d.o.o. Sarajevo, broj protokola 1267/19 datum 20.03.2019. godine u 12:36 sati

Dana 20.03.2019. godine u 14:00 sati, Komisija za javnu nabavku je izvršila javno otvaranje pristiglih ponuda sačinivši o tome Zapisnik sa otvaranja ponuda, te shodno članu 65. Zakona o javnim nabavkama, izvršila pregled i ocjenu pristiglih ponuda.

Komisija za javnu nabavku dostavila je dana 01.04.2019. godine preporuku o izboru najpovoljnijeg ponuđača broj: 02/2019/5-2 od 01.04.2019. godine zajedno sa izvještajem o radu broj: 02/2019/4-2 od 01.04.2019. godine, zapisnikom o pregledu i ocjeni ponuda broj: 02/2019/3-2 od 01.04.2019. godine o ocjeni, u postupku javne nabavke izvođenje građevinskih radova na postojećim distributivnim mrežama – LOT 2 – JNRGR 02/2019.

U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri).
- da su blagovremeno zaprimljene 3 (tri) ponude.
- da nema neblagovremeno zaprimljenih ponuda.
- da su ponude ponuđača „ TEHNOGRAD “ d.o.o. Tuzla / P.J. Sarajevo i „ MONT GRADNJA “ d.o.o. Sarajevo prihvatljive.
- da je ponuda ponuđača „ HIK-NET “ d.o.o. Sarajevo neprihvatljiva sa aspekta kompletnosti, ispunjenja uslova i zahtjeva definisanih u tenderskoj dokumentaciji, iz sljedećih razloga:
 - ponuđač u dostavljenoj ponudi nije izvršio ispravke u skladu sa članom 18. tačka 1. podtačka m) podzakonskog akta Uputstva za pripremu modela tenderske dokumentacije i ponuda,
 - ponuđač u dostavljenoj ponudi nije u cijelosti popunio Aneks 10, kako je traženo tenderskom dokumentacijom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriteriju iz tenderske dokumentacije.

U postupku ocjene provedenog postupka, Uprava nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.



Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen, primjenjujući kriterij „**najniža cijena**“, te da je rang listu prihvatljivih ponuda / ponuđača slijedeća:

1. „TEHNOGRAD“ d.o.o. Tuzla / P.J. Sarajevo,
sa ukupnom cijenom ponude u iznosu od **88.265,49 KM** bez uračunatog PDV-a.

2. „MONT GRADNJA“ d.o.o. Sarajevo
sa ukupnom cijenom ponude u iznosu od **89.173,19 KM** bez uračunatog PDV-a.

Cijeneći navedenu rang listu i kriterij za vrednovanje, ugovor za izvođenje građevinskih radova na postojećim distributivnim mrežama – LOT 2 se dodjeljuje ponuđaču:

„TEHNOGRAD“ d.o.o. Tuzla / P.J. Sarajevo

sa ukupnom cijenom ponude u iznosu od **88.265,49 KM** bez uračunatog PDV-a, odnosno

kao prvoplasiranom na rang listi jer sadrži najnižu cijenu.

Iz navedenih razloga, primjenom člana 64. stav 1. tačka b, člana 88 i člana 70. Zakona o javnim nabavkama te Pravilnika o postupku nabavke broj PR/SN/01 od 24.02.2015. godine, odlučeno je kao u dispozitivu.

POUKA O PRAVNOM LIJEKU:


Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH u pisanoj formi, putem ugovornog organa, u najmanje 3 (tri) primjerka.


Direktor
Admir Džubur

Dostaviti:


1. Ponuđaču: „TEHNOGRAD“ d.o.o. Tuzla / P.J. Sarajevo
2. Ponuđaču: „MONT GRADNJA“ d.o.o. Sarajevo
3. Ponuđaču: „HIK – NET“ d.o.o. Sarajevo
4. Službi nabavke a/a

26



ANEKS 3

OBRAZAC ZA CIJENU PONUDE
SA PREDMJEROM MATERIJALA I RADOVA



NAZIV PONUĐAČA: _____

Broj ponude: SSM-2/19

Datum: 20.03.2019

Strana _____ do _____

R. br.	Opis radova	Ukupna cijena bez uračunatog PDV-a (KM)
I	PJ NOVO SARAJEVO II	
1.	HRASNO	20.445,76
2.	LENJINOVA	14.848,57
	UKUPNO I	35.294,33
II	PJ ALIPAŠINO POLJE	
1.	K-5	23.572,89
2.	K-2	3.202,87
3.	K-4	6.793,82
	UKUPNO II	33.569,58
III	PJ ILIDŽA, HADŽIĆI I ILIJAŠ	
1.	ILIJAŠ	7.062,00
	UKUPNO III	7.062,00
IV	PJ DOBRINJA	
1.	KDI-2	12.329,68
	UKUPNO IV	12.329,68
	UKUPNA CIJENA BEZ URAČUNATOG PDV-a	88.255,59
	POPUST: _____ %	/
	UKUPNA CIJENA SA POPUSTOM BEZ URAČUNATOG PDV-a	88.255,59

Mjesto i datum: Sarajevo, 20.03.2019



Potpis i pečat ovlaštenog lica: